

10-11

芸居樓明鑑易知錄卷之十

周之炯靜專

上虞朱國標聖淮鈔 山陰吳秉權楚材同輯

周之燦星若

明紀

神宗顯皇帝

編戊寅六年春正月帝冠

貫

編三月立如皇氏爲皇

后紀大婚禮成上兩宮徽號

仁聖皇太后加懿安編  
慈聖皇太后加昭文編

張居正乞歸治葬許之紀居正辭朝上勞諭之曰朕

賜張浩  
正銀印

不能捨先生恐重傷先生懷是以忍而允所請然先生雖行國事尙宜畱心乃賜銀印曰帝資忠良令得密封言事編以禮部尙書馬自強爲文淵閣大學士掌詹事府禮部左侍郎申時行爲東閣大學士編夏六月張居正還朝紀上召見於文華西室問沿途所見稼穡何如民生何如邊事何如居正對甚悉上大悅賜休沐十日編秋八月前少師高拱卒復其官予祭葬

編已卯七年春二月帝患疹紀慈聖太后命僧於戒

河工成

潘季馴  
治

壇設法度衆張居正上言戒壇奏皇祖之命禁止至  
今以當時僧衆數萬恐生變敗俗也今豈宜又開此  
端聖躬違豫惟告謝郊廟社稷斯名正言順神人胥  
悅何必開戒壇而後爲福哉事遂寢編二月河正成  
紀先是淮安有水患河決八淮水勢不敵淮揚咸爲  
巨浸直逼泗州見一卷一患近寢陵上以問張居正因上  
言故河道都御史潘季馴有可使乃降璽書卽其家  
拜都御史使持節治河一切砌假以便宜久任帑藏  
不問出入諸奉行不及事者下詔獄鞫治之於是當

張居正  
諫鑄大錢

錢

李成梁  
出勇爲  
一時冠

事者日夜焦勞蓋踰年而隄係成轉漕無患編三月  
帝疹愈編夏四月命鑄大錢進內庫既而罷之紀上  
以內庫缺錢賞賚不足命部鑄大錢以進張居正上  
言先朝鑄錢呈式非供上用也萬曆二年進錢一千  
萬其後歲半之已非本意若缺錢鑄進是以外府之  
儲取供內府大失舊制矣土從之乃罷鑄錢編五月  
封遼東總兵李成梁爲寧遠伯紀張居正言成梁屢  
立戰功忠勇爲一時冠貫加以顯秩此鼓勵將士之  
法也已而成梁使使餽以金居正曰而主以百戰得

罷收直  
織造內  
臣

功勳我受其金是得罪高皇帝也却不受編秋七月  
給事中顧九思等請罷浙直織造內臣從之紀九思  
王道成等以江南水災請罷織造內臣孫隆上語張  
居正曰彼織幣且完當俟來春罷之居正曰地方多  
一事則有一事之擾寬一分則受一分之惠災地疲  
民不堪催督暫去之俟稍稔可復也上從之編冬十  
月薊計遼總督梁夢龍等擊土蠻走之紀夢龍報上  
蠻大舉八寇張居正奏言臣諭邊臣如敵騎八勿輕  
戰堅壁清野野無所掠彼將自阻請令夢龍駐太平

賊繼光駐一片石伺閒邀擊上善之旣而土蠻以四萬騎犯前屯梁夢龍李成梁率兵擊却之

編庚辰八年夏五月纂脩大明會典編冬十二月張

脩實訓  
實錄進

呈

居正請脩累朝實訓實錄進呈紀居正請屬視儒臣以累朝實訓實錄分四十餘則曰創業艱難曰勵精圖治曰勤學曰敬天曰法祖曰保民曰謹祭祀曰崇孝敬曰端好尚曰慎起居曰戒遊佚曰正宮闈曰教儲貳曰睦宗藩曰親賢臣曰去奸邪曰納諫曰守法曰敬戒曰務實曰正紀綱曰審官曰久任曰重守令

筆札小技

曰馭近習曰待外戚曰重農曰興教化曰明賞罰曰  
信詔令曰謹名分曰却貢獻曰慎賞賚曰甘節儉曰  
慎刑獄曰褒功德曰屏丙異端曰飭武備曰禦寇盜  
仍敕次第進呈俟明年開講其諸司章奏切要者卽  
講畢面裁時上畱意翰墨居正以爲筆札小技非君  
德治道所係故有是請上嘉納之

編辛巳九年夏四月張居正以給事中傳作舟疏進  
覽紀居正以作舟疏進覽云今江北淮鳳及江南蘇  
松連被災傷民多乏食至以樹皮充飢或相聚爲盜

淮鳳多  
方少熟

緇黃不  
如赤子

大有可憂上曰淮鳳頻年告災何也居正對曰此地  
從來多荒少熟元末之亂皆起於此今當破格賑之  
上曰然居正又言江南北旱河南風災畿內不雨勢  
將蠲賑惟陛下量入爲出加意撙節如宮費及服御  
可減者減之賞賚可裁者裁之至若施舍緇黃不如  
予吾赤子也上然之編冬十一月加張居正上柱國  
太師支伯爵俸居正固辭許之以宜大巡撫右副  
都御史吳兌爲都御史總督薊遼。

編王午十年春三月如薊遼總督都御史吳兌兵部

尙書編張居正有疾求私宅票標擬從之編夏六月

張居正以疾再乞休不允紀上以細務委張四維大

事卽居正家平章編進張居正太師以遼左太捷斬遼把孩功也

編命禮部尙書潘成吏部左侍郎余有丁八閣蛤辦

事張居正薦之也編大學士張居正空紀上震悼輟朝遣司

禮太監張誠監護喪事賜賻附○賻以貨財助喪事也甚厚兩宮

太后及中宮俱賜金幣賜祭十六壇贈上柱國諡文

忠居正性深沉機警多智數及攬大政登首輔慨然

有任天下之志勸上力行祖宗法度上亦悉心聽納

張居正  
以私憾  
廢遼王

十年來海內肅清治績炳然惜其福衷多忌剛愎  
自用初入政府卽以私憾廢遼王

隆慶二年十二月事也居正故隸遼

王尺籍至王憲燂頗驕酖多所陵轢居正銜之而又  
美其府第壯麗會有告王謀反刑部訊治侍郎洪朝  
選案驗無謀反狀僅坐以淫酖憲燂錮高牆廢其府  
居正讓以爲第後復恚朝選不附反律謀殺朝選  
久直信任奸佞好諛成風至章疏不敢斥名第稱元

輔居正卒餘威尙在言官奏事尙稱先太師方奪情

時威權震主上雖虛已以聽而內顧不堪初上在講

勃字誤  
讀背字

筵讀論語色勃如也誤讀作背字居正忽從旁厲聲

曰當作勃字上悚然而驚同列皆失色上由此憚之

人比之  
霍氏之  
驥乘

及居正卒後蒙禍人比之霍氏之驥乘

乘車之法尊者居左御者

居中又一人處其右以備傾側謂之驥乘漢宣帝初立謁見太廟大將軍霍光驥乘帝嚴譚之若有芒刺在背後張安世代光驥乘帝從容肆體甚安近焉故俗傳霍氏族滅之禍始於驥乘

編發馮保

南京閒住編復吳中行趙用賢艾穆沈思孝鄒元標

等官紀時潞王婚禮所需珠寶未備太后以爲言上

曰辦此不難年來廷臣無恥盡獻張馮二家耳自此

內中張先生稱謂絕以爲諱而籍沒之舉亦胎於此

編冬十一月以吳兌爲兵部尚書加太子少保

編癸未十一年春三月太子少保兵部尚書吳兌致

買金珠

仕 戶部請停買金珠不報。

奪張居

正封誥

編甲申十二年春正月。詔奪張居正封誥贈諡籍其

贈諡籍

其家

家其弟居易子嗣脩等俱遠地充軍。紀御史羊可弘

追論居正罪惡。詔奪其官爵。贈諡復從還府次妃王

氏奏請籍沒其家產。其產不及嚴嵩二十分之一。株

連頗多。荊州

居正家湖廣荊州府江陵縣

騷動。上曰。張居正誣蠱

滅

親藩。鉗制言官。蔽塞朕聰。專權亂政。罔上負恩。謀

國不忠。本當斲棺戮尸。念効勞有年。姑免盡法。伊屬

張居易。張嗣脩。張順。張書俱。今烟瘴地面充軍。有司

採木之害

勘居正家屬其長子欲脩不勝升刑自縊死刑部尙

書潘季馴上言居正家產奉旨鈔沒國法已正衆憤

已平但其八旬老母衣食不周子孫死亡相繼殊失

罪人不孥之意上乃詔有司保全之編冬十二月以

禮部尙書王錫爵爲文淵閣大學士吏部左侍郎王

家屏爲東閣大學士四川巡撫雒遵奏採木之害

編乙酉十三年春正月起前應天巡撫致仕海瑞爲

南京吏部石侍郎編夏五月大皇紀詔免災傷地方

本年錢糧編六月慈寧宮成紀宮建於萬曆二年極

貶姜應麟等爲典史

壯麗以居慈聖皇太后尋欲改造因張居正疏諫而止居正沒乃興下費財力巨萬。

編丙戌十四年春正月皇第三子生進其母鄭氏爲貴妃編貶戶科給事中姜應麟等爲典史紀應麟吏部員外郎沈璟上言貴妃雖賢所生爲次子而恭妃誕育元子主壻承祧反令居下乞收回成命首進恭妃次及貴妃上怒謫應麟廣昌典史璟調外任上謂閣臣曰朕非爲冊封事責言官惡彼疑朕立幼廢長故先揣摩上意置朕於不善之地我朝建儲自有成

憲朕豈敢以私意壞怪祖宗之法刑部主事孫如法

上言恭妃誕育元嗣五年未聞有進封之典鄭氏一

生子卽有皇貴妃之封此天下不能無疑也上怒謫

如法朝陽典史禮部左侍郎沈鯉請並封恭妃土氏

上諭待元子冊立行編二月大學士申時行等上疏

請立東宮不聽紀時行等疏言國本繫於元良主器

申時行  
請立東  
宮疏

莫若長子漢臣有云早建太子所以尊宗廟重社稷

也自萬曆十年元子誕生詔告天下於茲五年正名

定分宜在今日本朝故事宣宗以宣德三年立英宗

沈子木  
請建文  
祠祀

爲皇太子時年二歲憲宗以成化十一年立孝宗爲  
皇太子時年六歲孝宗以弘治五年立武宗爲皇太  
子尚未周一歲也成憲具存昭然可考今元子睿齡  
漸長陽德方亨乞敕下禮部速具儀法擇吉冊立以  
慰臣民之望上諭少俟二三年舉行編三月以海瑞  
爲南京都察院右都御史編秋七月南京太常寺卿  
沈子木上疏請立建文帝祠祀不報紀子木疏言建  
文皇帝御宇四年死葬西山不得一孟干○麥飯下  
同庶民近奉明詔祀死事諸王而建文獨不祀於德